

Agama Itu Nasihat

Kesempatan Berbakti

Orang yang waras akalnya dan baik budinya, sentiasa menggunakan waktu yang terluang, sebagai satu kesempatan bagi menambahkan kebaikan dirinya. Ia merasa rugi, kalau kelapangan itu terisi dengan perbuatan yang tidak baik.

Sebaliknya orang yang dungu dan rendah budinya, sentiasa menggunakan kesempatan untuk melakukan perbuatan yang tidak baik, dan ia menyesal kalau tidak diisinya dengan perbuatan-perbuatan terlarang.

Kalau orang yang waras akal setiap hari bertambah kebaikannya, maka orang yang dungu setiap hari bertambah keburukannya.

Terkadang datang bisikan baik kepada seseorang, menganjurkan supaya ia membanyakkan berbuat amal yang baik dan sedekah jariah untuk kebajikan pada jalan Allah, dan mengurangi sedikit daripada mementingkan keperluan diri sendiri, semua itu disangkanya merugikan dirinya, dan dikiranya menjadikan dia miskin dan kekurangan. Pada hal Allah *Subhānahu wa Ta'ālā* telah menjamin keuntungan, firmanNya:

man dhalladhi yuqriḍu Allāha qarḍan ḥasanān fayuḍā'ifahu lahū aḍ'āfan kathīratan wa Allāhu yaqbiḍu wa yabsuṭu wa ṭilayhi turja'un (245, al-Baqarah).

Ertinya: "Siapakah orang yang mahu meminjamkan kepada Allah satu pinjaman yang baik, supaya Allah gandakan pembayaran itu baginya dengan beberapa banyak ganda, dan Allah itu memegang rezeki, dan Ia memberi rezeki, dan kepada-Nyalah kamu akan dikembalikan."

FirmanNya lagi:

mathalu alladhīna yunfiqūna amwālahum fī sabīli Allāhī kamathali ḥabbatin ambatat sab'a sanābila fī kulli sumbulatin mi'atu ḥabbah,



Ikan yang masih segar di Sungai Dajlah (Baghdad) dapat dibeli hidup-hidup, lalu dikeluarkan dari dalam air kemudian dibakar seperti tertera di atas untuk diratah atau dimakan bersama-sama roti di tempat-tempat makan waktu malam sepanjang tepi sungai.

wa Allāhu yuqā'ifu liman yashā'u wa Allāhu wā si 'un 'alim (261, Al-Baqarah).

Ertinya: “Perbandingan pahala orang-orang yang membelanjakan pada jalan Allah, adalah seperti sebiji benih yang menumbuhkan tujuh tangkai, pada tiap-tiap satu tangkai, ada seratus biji; dan Allah akan menggandakan pahala kepada siapa yang Ia kehendaki, dan Allah itu luas pemberian-Nya lagi Maha Mengetahui.”

Dalam ayat pertama tadi Tuhan terangkan tentang orang yang suka meminjamkan harta kepada Allah, iaitu mendermakannya untuk keperluan-keperluan, di tempat dan perkara-perkara yang diperintahkan oleh Allah, seperti untuk berjihad pada jalan Allah, mendirikan masjid, surau, madrasah, rumah fakir miskin, yatim piatu, dan lain-lainnya, adalah semua itu termasuk dalam perkara meminjamkan harta kepada Allah.

Dalam ayat kedua tadi Tuhan menerangkan, bagaimana banyaknya pahala yang diberikan kepada orang yang mendermakan hartanya pada jalan Allah, iaitu sampai tujuh ratus ganda. Ini menunjukkan sangat banyaknya dan berlipat gandanya pahala dari Tuhan bagi orang-orang dermawan pada jalan Allah. Ini janji dari Tuhan yang tidak pernah memungkirkan janji.

Maka terbukalah satu kesempatan yang baik bagi orang-orang yang hendak berbuat baik dan hendak menjadi orang baik.

Ada pun kesempatan beribadat kepada Allah yang menjamin kekayaan jiwa dan pantang kekurangan, adalah diterangkan di dalam sabda Nabi Muhammad *ṣallā Allāhu 'alayhi wa sallam*, sebagai Hadith qudsi¹:

Inna Allāh Ta'ālā yaqūwl: Yā ibna Ādam tafarragh li 'ibādati amla' ṣadraka ghinān wa 'asudda faqraka, wa illā taf'al mala 'tu. yadayka shughlān walam asudda faqraka. (Aḥmad wa al-Tarmidhī wa 'Ibnu Mājah).

Ertinya: “Hai anak Adam, sediakanlah kelapangan untuk beribadat kepada Aku nescaya Aku penuhi dadamu dengan kekayaan jiwa, dan Aku tutupi kekuranganmu. Tetapi jika

engkau tidak kerjakan, nescaya Aku penuhi dihadapanmu pekerjaan, dan Aku tidak tutupi kekuranganmu.”

Maksudnya kalau orang tidak mahu menggunakan waktu berbuat ibadat, nescaya hidupnya selalu kekurangan dan jiwanya miskin.

Mudah-mudahan Allah berikan kita taufik dan hidayah supaya dapat kita gunakan kesempatan untuk beribadat dan terbakti² kepada Allah Ta'ālā



“Medan Tahrir” (Lapangan Mereka³) lapangan yang paling besar di Baghdad pusat yang menghubungkan lima batang jalan raya yang penting.

¹ Hadith Qudsi ini diriwayatkan oleh Imam at-Tirmidzi dan Ibnu Majah yang bermaksud :

“Wahai anak Adam, sediakanlah kelapangan buat beribadat kepada Allah, nescaya Aku penuhi dadamu dengan kekayaan jiwa, dan aku tutupi apa-apa jua kekuranganmu, tetapi jika engkau tidak kerjakan sesuatu kebaikan di waktu yang terluang itu, nescaya Aku penuhi di waktu-waktumu itu dengan kesibukan yang berbagai, dan Aku tidak menutupi apa-apa jua kekuranganmu”.

² Perkataan yang sebenar adalah berbakti

³ Perkataan yang sebenar ialah merdeka